



## **Kalaallit Nunaata eqqaani imartani aningaasaqarnikkut immikkut oqartussaaffigisaani Hong Kong-imi isumaqatigiissutip ilaata naammassineqarnera pillugu nalunaarummut missingiutip tusarniutigineqarnera**

---

### **Sammissap tunngavia**

Maannangaaq Kalaallit Nunaata eqqaani imartani aningaasaqarnikkut immikkut oqartussaaffigisaani Hong Kong-imi isumaqatigiissutip ilaata naammassineqarnera pillugu nalunaarummut missingiut Miljø- aamma Ligestillingsministereqarfiup tusarniutigalugu nassiuppaa.

Tusarniaanermut akissutit kingusinnerpaamik **ulloq 27. maj 2025** tiguneqarnissaat inussiarnersumik Miljø- aamma Ligestillingsministereqarfiup noqqaassutigissavaa.

### **Tunuliaqutaasooq**

Umiarsuarnik isumannaatsumik aamma avatangiisinut illersorneqarsinnaasumik isaterisarneq pillugu Hong Kong-imi isumaqatigiissut 2009-meersoq ulloq 26. juni 2025 atuutilissaaq. Artikili 1, imm. 1 malillugu umiarsuarnik isaterinnermit pissuteqartumik ajunaarnerit, ajutoornerit aamma inuit peqqissusaannut avatangiisinullu sunniutit ajortut allat pitsaaliorneqarnissaat, annikillisinneqarnissaat, millisinneqarnissaat aamma nungutinneqarnissaat Hong Kong-imi isumaqatigiissutip siunertaraa.

Umiarsuit isaterneqartarnerat pillugu Hong Kong-imi isumaqatigiissummut Kalaallit Nunaata nunatut nangaassuteqarnerata atorunnaarsinneqarnissaa atorunnaarsissagaat pillugu Inatsisartut ulloq 3. november 2021 aalajangerpaat, tamatumalu Kalaallit Nunaata isumaqatigiissummut ilaalernerat kinguneraa. Tassunga atatillugu isumaqatigiissummi pisussaaffiit eqqortinniarlugit, Kalaallit Nunaata eqqaani imartani aningaasaqarnikkut immikkut oqartussaaffigisaani nalunaarummik atulersitsinissaq pisariaqarpoq. Umiarsuarnut imartani aningaasaqarnikkut immikkut oqartussaaffigisani angalasunut, umiarsuarmi allagartanik akuersissutinik peqarnissamut, kiisalu umiarsuarmi atortussat navianartut suut pillugit nalunaarsuummik peqarnissamut malittarisassanik nalunaarut aalajangersaavoq.

### *Allaffissornikkut inuussutissarsiornermilu aningaasaqarnikkut kingunissaa*

Nalunaarut immi inuussutissarsiorturnut aningaasaqarnikkut kinguneqassanngilaq, tassami nalunaarutip allagartanut akuersissutinut imaluunniit nalunaarsuutinut piumasaqaatit aalajangersanngilai, kisianni umiarsuit imartani aningaasaqarnikkut immikkut oqartussaaffigisaniikkunik, umiarsuarmi taakku takuneqarsinnaassasut taamaallaat taallugit.

### *Atuutilerfia*

Nalunaarut ulloq 26. juni 2025 atuutilissasoq naatsorsuutigineqarpoq.

### **Tusarniaanermut akissutit**

Akuusunut tusarniaavigisartakkanut allattuiffimmi ilanngunneqartumi takuneqarsinnaasunut, atuutilersitsinissamut nalunaarummut missingiut tusarniutigalugu nassiunneqarpoq.

Tusarniaanermut akissutit sammisaq pillugu immersukkami journalimi normua 2022-4071 taallugu [louml@mim.dk-mut](mailto:louml@mim.dk-mut) assilillugit [mim@mim.dk-imut](mailto:mim@mim.dk-imut) nassiunneqassapput. Tusarniaanermut akissutit kingusinnerpaamik 27. maj 2025 tiguneqassapput.

Tusarniaanermut akissutit tiguneqartut Høringsportalimi (tusarniaanermut nittartakkami) tamanut saqqummiunneqarumaarput, matumani nassiussisup aqqa mailadressialu ilanngullugit. Tusarniaanermut akissummik tunniussinermi, tusarniaanermut akissutip tamanut saqqummiunneqarnissaa akuersissutigineqassaaq, matumani nassiussisup aqqa mailadressialu ilanngullugit.

Apeqqtissaqartoqarpat apeqqutit fulmægtigimut Louise Lykkeskov-imut e-mail una atorlugu: [louml@mim.dk](mailto:louml@mim.dk) saaffiginnissutigineqassapput.

Inussiarnersumik inuulluaqqusillunga

Louise Lykkeskov